



IN BIEN GI ED INA BUNA SERA

Con spert ch'il temps va: da quei fatg sun-del jeu veginus cunscents dacuort puspei inagada. En num dalla vischnaunca da Laax hai jeu astgau purtar ils auguris a nos-sa convischina Augusta Pelican-Wellinger. La seniora ha astgau festivar ils 11 d'octo-ber 2022 siu 100avel anniversari. Quei ha fatg veginir mei empau humiliteivels. S'im-maginei inagada con ch'ei schabegiau, tgei ch'ei sesviluppau, curriu e passau el decu-ors da quei tschentaner! Alla prezida giu-bilara giavischein nus vinavon buna sana-dad e bia plascher dalla veta.

Franz Gschwend, president communal



Franz Gschwend, Augusta Pelican-Wellinger



Cun quei link haveis Vus access allas «Novas da Laax» en romontsch e tudestg.

IMPRESSUM:

Novas da Laax, Gemeinde Laax
Erscheinung: Letzte Ausgabe im Monat
Themenideen: Bis zum 10. des Monats
Redaktion: Domenica Flütsch
Kontakt: admin@laax-gr.ch

Dapi il 2011 ei Marita Buchli geraua e com-membra dalla suprastanza communal. Ella ei responsabla aunc tochen la stad 2023 pils ressorts turissem, agricultura, cultu-ra, natira e schurmetg digl ambient. Quel-las spartas da cumpetenza plaian alla dun-na da power ed ins savess seschar s'infestar da siu entusiassem per incumbensas multi-faras. Ins s'encorscha spert che la dunna ei interessaada universalmein, e ch'ella ei era fetg occupada. Ad ella plai dad esser colli-giada cun biars fils ch'ella tegn enta maun. Sper gl'uffeci da geraua ha la mumma da dus affons carschi in agen biro fiduziari. Vi-navon eis ella specialista da contabilitad alla dertgira cantunala, ella ha bugen sport e mo-viment, gauda cultura ed ils cuolms sco era il viagiar. Spert eisi denton clar: Marita Buchli ei da Laax, cun tgierp ed olma, ed ella s'engascha per sia vischnaunca cun bia fiug e perschusaiun. Gia avon siu temps sco commembra dalla suprastanza communal-a eis ella stada ella publicitat, denter auter sco presidenta dall'unium da dunnas nua ch'ella ei stada participada essenzialmein da fundar la Termaglieria. Tier tut ils pro-jects nua ch'ella ei involvada includa ella era la vesta dallas dunnas e dalla giuventet-gna. Per ella ein quei aspects essenzials. Gest tuttina valetescha ella il lungatg e la cultura romontscha. «Nus essan ina visch-naunca romontscha. Malgrad ch'ina gronda part dalla populaziun sa buca romontsch, ei il lungatg oriund ina ferma part da noss'identidad. En quei regard sundel jeu mintgaton in tec ina pedanta. Igl ei denton ina damonda dil respect vicendeivel enteifer ina cumionza.» Buca il davos ord vesta tu-ristica seigi il romontsch in avantatg, «la di-versitat da lungatgs, usits e cultura fa che nus essan unics ed interessants.»

Grond plascher ha la geraua cun senn pigl art era il menaschi da cultura, oravontut dalla Culartha. «A mi plai il fin, buca quan-tificabel digl art, ed jeu sun loscha che nus savein porscher a Laax cultura attractiva d'in ault livel.» Qualitad da viver includa tenor Marita Buchli aunc bia dapli. Ins sto mirar dad era

MARITA BUCHLI



Multifara, colligiada ed in nas fin pil bi



esser organisaus logisticamein bein e che tut seigi ella vischinonza. Leutier s'auda la stizun dil vitg gest tuttina sco la dismessa da rumians e bunas colligaziuns pils pendula-ris. Ed era ch'ins mantegn ella regiun la creaziun d'atgna valur. «Ins duei surdar alla regiun tonta lavur sco pusseivel, aschia che nus restien interessants era per commerci e mistregn.» Aschia dat la premurada geraua peisa da colligar ses biars fils en vischnaunca e regiun. «Nus havein ina bellezia natira, ina purschida turistica enormamein buna, ina veta d'unions multifara, nus havein sti-zuns, ina infrastructura optimala ed ina bia-la cumionza dil vitg. Quei entir pac fa che Laax ei per mei il pli bi liug cun fetg bia ca-racter.»

CULARTA

Exposizion «Am Anfang war kein Hund»



Quest atun ed unviern sededichescha la Cularta all'ovra da Hans Moser (1922-2012), il caricaturist, columnist e dessignader spiritus e critic da Laax. Ina installaziun virtuosa da dessegns, illustraziuns, frontispezis da revistas, politica dil temps e comics mei-

na las visitadras ed ils visitaders tras la veta e la lavour digl artist da renun naziunal ed internaziunal.

Da 1963 tochen sia mort ha Hans Moser viuvi a Laax. Sper sia lavour sco illustratur eis el staus columnist. Siu lungatg central era

maghers ed uauls humids porscha la surfatscha sut il vitg in spazi custeivel per numerus animals e plontas. Nus carstgauns fascinescha quei territori cun sia multifariadad da fauna e flora. Dapi tschentaners segan ils purs periodicamein la garda, il sternem era pli baul material tschercau per la biestga en nuegl. Oz ston ins segar la paliu en emprema lingia per impedir ch'il cagliom avanzesch e surreschi diltut. Voluntaris ch'igl Uffeci cantunal per la protecziun d'ambient e natira engascha e glieud giuvna dil survetsch civil svizzer prestan mintgamai gl'october lavour cumina al Lag digl Oberst. Il territori fa part dil project Platta Pussenta da colligar e tgirar la cuntrada. La fundazion cun quei num s'engascha da mantener quei spazi da viver prezios da Laax.

l'illustraziun. Cun quella ha el tuc la noda, cun observar, seregardar, cun sentiment, fantasia e priu ord il mintgagi. In motiv empalon da sia lavour ei stau gl'interess pils schabets politics sil mund, la destrucziun digl ambient e la relazion culs animals. A moda critic-subtila ha el rendiu attent a quei, e mintga contemplader ha capiu gl'avis. Hans Moser ha valiu sco profund enconuschider da Svizzers e Svizras.

Cull'exposizion «Am Anfang war kein Hund» muossa la Cularta ina assemblage da caricaturas ord ils magazins da satira «Nebelpalter» da 1953 tochen 2006 sco era lavurs pil «Schweizer Spiegel» ch'el ha fatg da 1952 tochen 1972. A moda impresiunonta dattan quellas ovras perdetga con expressivas e fermas, creativas e modernas che sias illustraziuns ein. Il relasch da Hans Moser ei en possess dalla Pro Laax. Remo Arpagaus ed Yvonne Gienal ha curatau l'exposizion. Quella cuozza aunc tochen ils 5 da mars 2023. Mira www.cularta.ch.

Urari d'avertura

8-10-2022 – 23-12-2022

gi / ve / so / du

13.30 – 16.30 h

PREVISTA

11 da decembre 2022, allas 17.30

Referat da Felix Schaad: Humor trotz

Weltpolitik

Il caricaturist dil «Tages-Anzeiger» Felix Schaad rauenta da siu mintgagi profesional e dat rispostas sin damondas co p. ex.: Danunder vegn in cametg, in'idea anetga? – e tgei, sch'el vegn buc? Eis ei priglus d'esser caricaturist? Dat ei temas ch'ein tabu? Tgei rolla gioga la caricatura aunc oz? Felix Schaad ei staus caricaturist svizzer digl onn 2021, el vala sco in dils pli profiali en Svizra dalla caricatura politica. Destillaria Daguet a Lanz.

27 da decembre 2022 , allas 17.00

Il duo dils curaturs Gienal e Arpagaus meinan tras l'exposiziun.

5 da schaner 2023, allas 19.00

Referat da Zoe Röllin, illustraziun e virtual reality

Zoe Röllin meina ils participonts en ina autra realitat – la virtuala. Restei ellas marveglis!

S'annunziar tier info@cularta.ch